



Broj: 11-05-38-14271-1/16  
Sarajevo, 28.04.2016. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 34/03 ) i člana 6. Odluke o kriterijima za izbor i imenovanje predsjednika i članova Upravnog i Nadzornog odbora JU Studentski centar Sarajevo, čija imenovanja vrši Vlada Kantona Sarajevo („Službene novine Kantona Sarajevo“, broj 44/14), ministar za obrazovanje, nauku i mlade Kantona Sarajevo objavljuje

**JAVNI OGLAS  
ZA IZBOR I IMENOVANJE ČLANOVA  
UPRAVNOG I NADZORNOG ODBORA JU STUDENSKI CENTAR SARAJEVO**

Izbor i imenovanje članova Upravnog i Nadzornog odbora JU Studentski centar Sarajevo, radi isteka mandata, vrši se za sljedeće pozicije:

**Upravni odbor JU Studentski centar Sarajevo:**

- a) član – predstavnik Univerziteta u Sarajevu;
- b) član – predstavnik zaposlenika JU Studentski centar Sarajevo.

**Nadzorni odbor JU Studentski centar Sarajevo:**

- a) član – predstavnik Ministarstva;
- b) član – predstavnik zaposlenika JU Studentski centar Sarajevo.

Članove Upravnog i Nadzornog odbora JU Studentski centar Sarajevo imenuje i razrješava Vlada Kantona Sarajevo.

Za člana Upravnog i Nadzornog odbora JU Studentski centar Sarajevo može biti imenovan kandidat koji ispunjava opće i posebne uslove.

**Opći uslovi:**

- a) da je kandidat državljanin Bosne i Hercegovine;
- b) da je kandidat stariji od 18 godina;
- c) da kandidat nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije;
- d) da kandidat nema poslovnu saradnju sa JU Studentski centar Sarajevo i/ili njegov bliski srodnik, a koja podrazumijeva novčanu naknadu, osim primanja po osnovu radnog odnosa kandidata;
- e) da se na tog kandidata ne odnosi član IX 1. Ustava Bosne i Hercegovine;
- f) da kandidat nije osuđivan za krivično djelo ili za privredni prestup;
- g) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Sl. glasnik BiH“, br. 16/02, 14/03, 12/04 ).



**Posebni uslovi:**

- a) da kandidat posjeduje univerzitetsku diplomu i najmanje 5 godina radnog staža u struci nakon sticanja univerzitetske diplome;
- b) da kandidat nema privatni finansijski interes u JU Studentski centar Sarajevo u smislu Zakona o sukobu interesa u institucijama vlasti Federacije Bosne i Hercegovine;
- c) da kandidat, u trenutku podnošenja aplikacije na upražnjenu poziciju, nije član više od jednog upravnog ili nadzornog odbora bilo kojeg pravnog lica (ustanove, privredna društva, agencije, udruženja, fondovi i sl.);
- d) da kandidat nije direktor JU Studentski centar Sarajevo;
- e) da je u JU Studentski centar Sarajevo zaposlen na neodređeno vrijeme – za kandidate koji apliciraju ispred zaposlenika JU Studentski centar Sarajevo;
- f) da kandidat ima zasnovan radni odnos na Univerzitetu u Sarajevu – za kandidate koji apliciraju kao predstavnici Univerziteta u Sarajevu;
- g) kandidat za predsjednika ili člana Upravnog ili Nadzornog odbora JU Studentski centar Sarajevo ne može biti biran više od dva puta uzastopno.

Prava i obaveze predsjednika i članova Upravnog i Nadzornog odbora JU Studentski centar Sarajevo definisane su Zakonom o ustanovama i drugim relevantnim zakonskim i podzakonskim propisima.

Mandat članova Upravnog i Nadzornog odbora JU Studentski centar Sarajevo traje 4 godine.

**Javni oglas ostaje otvoren 15 dana od dana posljednjeg objavljivanja.**

Prijavu na Javni poziv kandidati podnose na prijavnom obrazcu (**Obrazac 1-16 SC**) propisanom od strane Ministarstva za obrazovanje, nauku i mlade Kantona Sarajevo. Prijavni obrazac kandidati mogu preuzeti sa web stranice Ministarstva [www.mon.ks.gov.ba](http://www.mon.ks.gov.ba) ili na protokolu Kantona Sarajevo.

**Uz prijavni obrazac kandidat je obavezan priložiti sljedeću dokumentaciju (original ili ovjerena fotokopija):**

Uz prijavni obrazac, kandidat treba priložiti:

1. univerzitetsku diplomu;
2. uvjerenje o državljanstvu;
3. potvrdu/uvjerenje o radnom stažu u struci;
4. potpisanu i ovjerenu izjavu od strane nadležne općinske službe kojom kandidat potvrđuje sljedeće:
  - da kandidat nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije;
  - da kandidat nema poslovnu saradnju sa JU Studentski centar Sarajevo i/ili njegov bliski srodnik, a koja podrazumijeva novčanu naknadu, osim primanja po osnovu radnog odnosa kandidata;
  - da se na tog kandidata ne odnosi član IX 1. Ustava Bosne i Hercegovine;
  - da kandidat nije osuđivan za krivično djelo ili za privredni prestup;
  - da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine;



- da kandidat nema privatni finansijski interes u JU Studentski centar Sarajevo u smislu Zakona o sukobu interesa u institucijama vlasti Federacije Bosne i Hercegovine;
  - da kandidat, u trenutku podnošenja aplikacije na upražnjenu poziciju, nije član više od jednog upravnog ili nadzornog odbora bilo kojeg pravnog lica (ustanove, privredna društva, agencije, udruženja, fondovi i sl.);
5. potpisanu i ovjerenu izjavu od strane nadležne općinske službe kojom kandidat potvrđuje da ispunjava uslov naveden pod tačkom g) Posebnih uslova ovoj javnog oglasa;
  6. potvrdu da je kandidat zaposlen na neodređeno vrijeme u JU Studentski centar Sarajevo – za kandidate koji apliciraju ispred zaposlenika JU Studentski centar Sarajevo;
  7. potvrdu da kandidat ima zasnovan radni odnos na Univerzitetu u Sarajevu – za kandidate koji apliciraju kao predstavnici Univerziteta u Sarajevu.

Prijavu sa potrebnom dokumentacijom dostaviti putem protokola Kantona Sarajevo ili poštom na adresu:

Ministarstvo za obrazovanje, nauku i mlade Kantona Sarajevo  
Ul. Reisa Džemaludina Čauševića 1  
*sa naznakom*

**„Prijava na Javni poziv za izbor i imenovanje članova Upravnog i Nadzornog odbora JU Studentski centar Sarajevo (Ne otvaraj - Otvara Komisija)“**

Neblagovremene, nepotpune i neuredne prijave neće biti uzete u razmatranje.

**Dodatne informacije:**

**Kontakt osoba: Adisa Hota**

**Sektor za visoko obrazovanje i nauku; 033/562-186**

**MINISTAR**

***Prof. dr. Elvir Kazazović***



**web:** <http://www.mon.ks.gov.ba>  
**e-mail:** [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

